

i FLETËUDHËZUES I PAKETIMIT:
Informacion për pacientin

ASPIRINE

Tableta – 500 mg

(Acid acetilsalicilik)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

1. Çfarë është Aspirine dhe përse përdoret
2. Përpara se të merrni Aspirine
3. Si ta merrni Aspirine
4. Efekte anësore të mundshme
5. Si ta ruani Aspirine
6. Informacion i mëtejshëm

1. ÇFARË ËSHTË ASPIRINE DHE PËRSE PËRDORET

Aspirina është një antiinflamator josteroid (AIJS) i grupit të salicilateve dhe ka shumë karakteristika të përbashkëta me antiinflamatorët e tjerë josteroidë (AIJS). Ajo jep efekte analgjike, antipiretike, antiinflamatore dhe antireumatike. Aspirina e ul temperaturën e lartë të trupit me anën e zgjerimit të enëve periferike të gjakut. Veprimin antiinflamator dhe analgjik e ushtron me anën e frenimit të kompleksit enzimatik prostaglandinësintetazë. Aspirina, duke acetiluar ciklooksijenazën e trombociteve, parandalon sintezën e tromboksanit A₂, një rrjedhës i prostaglandinës, që është një vazokonstriktor i fuqishëm e që nxit agregimin e trombociteve dhe reaksionin e çlirimit të trombociteve. Aspirina e frenon agregimin e trombociteve.

Aspirine – 500 mg tableta indikohet në:

- dhimbjet me intensitet të ulët ose mesatar me lokalizime të ndryshme (dhimbje koke, dhimbje dhëmbi, neuralgji, mialgji, dhimbje menstruale, dhimbje posttraumatike e pasoperatore);
- uljet e temperaturës në gjendjet me ethe;
- gjendjet inflamatore si: ethe reumatike, artrit reumatoid dhe osteoartrit.

Mjeku juaj mund ta ketë dhënë Aspirine për një qëllim tjetër. Pyesni mjekun tuaj në qoftë se doni të dini pse ju është dhënë Aspirine.

2. PËRPARA SE TË MERRNI ASPIRINE

Mos merrni Aspirine në qoftë se:

- keni mbindjeshmëri ndaj acidit acetilsalicilik, ndaj antiinflamatorëve të tjerë josteroidë ose ndaj ndonjërit prej përbërësve të tabletave Aspirine;
- keni hemofili dhe çrregullime të tjera të koagulimit të gjakut;
- keni ulçer peptike aktive;
- pacienti është fëmijë nën moshën 16 vjeç për shkak të rrezikut të shfaqjes së sindromit Reye;
- keni insuficiencë të rëndë kardiake.

Tregoni kujdes të veçantë me Aspirine

Pyesni mjekun tuaj përpara se të merrni Aspirine në qoftë se:

- jeni të sëmurë me të dhëna për ulçer peptike;
- jeni të sëmurë me dëmtim të veshkave, të mëlçisë (nuk duhet përdorur në qoftë se dëmtimi është i rëndë) ose jeni të dehidratuar;
- jeni të sëmurë me astmë;
- jeni të sëmurë me sëmundje alergjike;

- vuani nga hipertensioni i pakontrolluar dhe pamjaftueshmëria e glukozës-6-fosfatdehidrogenazës;
- jeni shtatzënë, sepse duhet mënjanuar gjatë tremujorit të fundit;
- jeni ende në periudhën e ushqyerjes me gjii të fëmijëve. Duhet të shmangët përdorimin i zgjatur i aspirinës tek të moshuarit. Rekomandohet që aspirina të ndërpritet 5-7 ditë para një ndërhyrjeje kirurgjike për të parandaluar ose zvogëluar hemorragjinë e tepërt gjatë/pas ndërhyrjes. Përdorimi me kujdes nëse keni infeksion pasi mund të maskohen simptomat si ethet dhe inflamacioni. Aspirina nuk duhet përdorur për mjekimin e gutës.

Marrja e barnave të tjera

Trajtimi i njëkohshëm me barna të tjera mund të ndikojë ose të ndikohet nga Aspirine. Ju lutemi të kontaktoni me mjekun ose farmacistin tuaj në qoftë se jeni duke marrë ose keni marrë kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Aspirine në qoftë se ju jepet ndonjë bar tjetër gjatë trajtimit.

- Marrja e njëkohshme e aspirinës dhe alkoolit etilik rrit rrezikun për ulçeracione gastrointestinale.
- Barnat që acidifikojnë urinën (kloruri i amoniumit, acidi askorbik, metionina), pakësojnë ekskretimin e aspirinës dhe rritin përqëndrimet e saj në gjak.
- Barnat që alkalizojnë urinën pakësojnë efikasitetin e aspirinës, pasi shtojnë ekskretimin e saj.
- Acetazolamidi mund të shtojë ekskretimin urinar për sa kohë urina është alkaline, ndërsa aspirina mund të rrisë toksicitetin e acetazolamidit në S.N.Q.
- Aspirina mund të pakësojë efektin diuretik të spironolaktonit dhe diuretikëve të ansës.
- Aspirina shton efektin antikoagulant dhe rrit rrezikun për hemorragji kur jepet së bashku me heparinën ose antikoagulantët oralë.
- Aspirina pakëson efektin antihipertensiv të ACE - inhibitorëve dhe beta blokuesve.
- Kombinimi i aspirinës me barna të tjerë antiinflamatorë josteroidë mund ofron ndonjë avantazh terapeutik, ndërkohë që shton incidencën e efekteve anësore.
- Dhënia e njëkohshme e aspirinës me barna kortikosteroidë mund të shtojë toksicitetin gastrointestinal të saj.
- Aspirina mund të shtojë përqëndrimet plazmatike dhe për pasojë toksicitetin e acidit valproik.
- Aspirina pengon sekretimin tubular të metoteksatit duke rritur kështu toksicitetin e tij.
- Aspirina kundërshton efektin e urikozurikëve si probenecid dhe sulfipirazon.

Marrja e Aspirine me ushqim dhe pije

Aspirine nuk duhet marrë së bashku me pije alkoolike dhe duhet marrë gjithmonë pas ushqimit në mënyrë që të mos ndodhë një dëmtim i stomakut.

Fertiliteti, shtatzënia dhe ushqimi me gjii

Fertiliteti

Ka të dhëna se AIJS, ku bën pjesë dhe aspirina, ndikon në fertilitet tek gratë që i përdorin për një kohë të gjatë. Gratë që po planifikojnë një shtatzëni duhet ta shmangin trajtimin me AIJS.

Shtatzënia

Njoftoni mjekun ose farmacistin tuaj në qoftë se jeni shtatzënë ose po planifikoni të ngeleni shtatzënë. Rreziku në shtatzëni: kategoria C.

Duhet përdorur me kujdes gjatë shtatzënisë dhe duhet evituar gjatë tremujorit të fundit të saj. Mund të shkaktojë hemorragji, vonesë dhe ngadalësim të lindjes, mbyllje intrauterine të dukusit arterioz dhe kernikterus tek të porsalindurit.

Ushqimi me gjii

Salicilatet ekskretohen me qumështin e gjirit. Për këtë arsye është mirë që të shmangen gjatë ushqyerjes me gjii të fëmijëve.

3. SI TA MERRNI ASPIRINE

Gjithmonë merrni Aspirine sipas këshillës së mjekut. Në qoftë se nuk jeni i sigurt, kontakti me mjekun ose farmacistin. Në qoftë se ndjeni që efektet e Aspirine 500 mg janë shumë të forta ose shumë

të dobëta, flisni me mjekun ose farmacistin tuaj. Tabletat duhet të gëlltiten me një gotë qumësht ose një gotë ujë (200-250 ml) mundësisht të vaktë dhe pas ushqimit.

Dozimi jepet si më poshtë:

Për veprimin analgjezik, antipiretik dhe antiinflamator: doza e zakonshme është 300 mg - 1 g, 3 - 4 herë në ditë, në përputhje me nevojat klinike.

Në çrregullimet reumatike akute: mund të përdoren 4 - 8 g në ditë, në doza të ndara.

Në qoftë se keni marrë më shumë Aspirine

Në qoftë se keni marrë më shumë Aspirine se sasia që duhet të merrnit, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren. Shenjat e intoksikimit të rëndë mund të zhvillohen ngadalë, 12 – 24 orë pas gëlltimit të tabletave të aspirinës. Vihet re një intoksikim i lehtë në rastet kur janë marrë 150 mg/kg peshë trupore salicilate, ndërsa intoksikim i rëndë është vënë re kur janë marrë 300 mg/kg peshë trupore salicilate. *Simptomat:* të përziera, të vjella, marrje mendsh, çrregullime në dëgjim, dridhje, çorientim, çrregullime të ekuilibrit acido-bazik dhe të elektrolitëve, komë, insuficiencë respiratore.

Trajtimi: Në rastet kur rrezikohet jeta për shkak të një intoksikimi të rëndë, duhen marrë menjëherë masat për të mos lejuar përthithjen e mëtejshme të barit. Duhet praktikuar një lavazh gastrik dhe duhet administruar karbon aktiv nëse nuk ka kundërvendime (kundërvendimet: pakësim/mungesë të reflektive mbrojtëse të rrugëve të frymëmarrjes, nivel i ulur i vetëdijes, rrezik për hemorragji apo perforim të traktit gastrointestinal ose nëse njëkohësisht janë marrë lëndë gërryese). Duhet kontrolluar dhe duhen korrigjuar elektrolitet, duhet dhënë glukozë, duhet administruar bikarbonat natriumi për të rregulluar acidozën dhe për të favorizuar eliminimin (pH urinar më i lartë se 8). Glicina jepet në fillim 8 g nga goja, më pas 4 g, e gjithë sasia brenda 2 – 16 orëve. Në rast se është e nevojshme mund të bëhet edhe hemoperfuzion ose hemodializë.

Në qoftë se harroni të merrni Aspirine

Në qoftë se harroni një dozë (ose më shumë doza), merrni dozën në vazhdim kur të jetë koha për marrjen e zakonshme të saj. Mos merrni një dozë të dyfishtë (ose më të lartë) për të plotësuar dozën (dozat) e harruar(a). Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFekte anësore të mundshme

Si të gjitha barnat e tjera, Aspirine mund të shkaktojë efekte anësore, megjithëse jo çdokush i manifeston. Aspirine tolerohet mirë në dozat e rekomanduara. Njoftoni mjekun tuaj për efektet anësore të mëposhtme që mund t'ju shfaqen:

- çrregullime gastrointestinale ose të përziera;
- ulçera me hemorragji të fshëhta (ndonjëherë edhe hemorragji serioze);

- hemorragji të tjera p.sh.: subkonjunktivale;
- çrregullime të të dëgjuarit, p.sh. zhurmë ose një vesh (në raste të rralla mund të çojë në shurdhim);
- marrje mendsh, konfuzion mendor;
- reaksione mbindjeshmërie (angioedemë, bronkospazma dhe ekzantema);
- rritje e kohës së koagulimit;
- në raste të rralla edema;
- miokardit;
- çrregullime të gjakut, veçanërisht trombocitopeni;
- hepatotoksicitet në pacientë me artrit juvenil idiopatik apo çrregullime të tjera të indit lidhor.

Në qoftë se ndonjë prej efekteve anësore përkeqësohet, ose në qoftë se vëreni efekte anësore që nuk përmenden në këtë fletëudhëzues, ju lutemi të lajmëroni mjekun ose farmacistin tuaj. Kur shfaqet ndonjë nga efektet anësore të mësipërme, mjekimi me Aspirine duhet ndërprerë dhe ju duhet të këshilloheni me mjekun ose me farmacistin tuaj.

5. SI TA RUANI ASPIRINE

Mbajeni larg fëmijëve!

Mos e përdorni Aspirine pas datës së skadencës të shënuar në paketim.

Ruajeni nën temperaturën 25°C!

Ruajeni në paketimin original për ta mbrojtur nga drita dhe nga lagështia!

6. INFORMACION I MËTEJSHËM

Çfarë përmban Aspirine – Tableta 500 mg

Lënda vepruese është Acid acetilsalicilik.

Çdo tabletë përmban 500 mg acid acetilsalicilik.

Përbërës të tjerë: karboksimetilcelulozë natriumi, acid tartrik, celulozë mikrokristalore, amidon, glikolat natriumi i amidonit, acid stearik dhe talk.

Përmbytja e paketimit: Kutë me 30 tableta.

Shpjegues i ikonave ilustruese në paketim:



Këshillohuni me mjekun ose farmacistin tuaj.



Përmbytja.



Kujdes.



Forma e tabletës.

Mbajtësi i autorizimit për tregtim (MAT) dhe prodhuesi:



PROFARMA Sh.a.
Rruga "Myslym Keta"
Tel.: 00355 4 23 89 602
Tiranë - Shqipëri

Ky fletëudhëzues u rishikua për herë të fundit në Qershor 2015.